

Na osnovu člana 23. i 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09), člana 1. i 2. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj: 13/10) i člana 3. Pravilnika o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj: 18/10, 10/13, 40/15 i 44/15), na prijedlog Općinskog načelnika, Općinsko vijeće Ilijaš, na svojoj 43. sjednici, održanoj 08.09.2016.godine, donijelo je:

### **PLAN**

#### ***stipendiranja izuzetno nadarenih učenika u srednjem i studenata u visokoškolskom obrazovanju u školskoj 2016/2017.godini***

### **Član 1.**

Godišnjim planom stipendiranja učenika i studenata planira se broj stipendija koje će se dodijeliti i ukupna budžetska sredstva potrebna za stipendiranje izuzetno nadarenih učenika i studenata u visokoškolskom obrazovanju u školskoj 2016/2017. godini, i to:

#### **a.) Srednje obrazovanje**

<b>R/B</b>	<b>Razred</b>	<b>Broj učenika</b>	<b>Pojedinačna stipendija za jedan mjesec KM</b>	<b>Iznos ukupno potrebnih sredstava za jedan mjesec</b>	<b>Iznos ukupno potrebnih sredstava za devet mjeseci</b>
1.	I	30	50,00	1.500,00	13.500,00
2.	II	10	50,00	500,00	4.500,00
3.	III	10	50,00	500,00	4.500,00
4.	IV	13	50,00	650,00	5.850,00
<b>UKUPNO</b>	<b>-</b>	<b>63</b>	<b>-</b>	<b>3.150,00</b>	<b>28.350,00</b>

#### **b.) Visoko obrazovanje**

<b>R/B</b>	<b>Godina</b>	<b>Broj studenata</b>	<b>Pojedinačna stipendija za jedan mjesec KM</b>	<b>Iznos ukupno potrebnih sredstava za jedan mjesec</b>	<b>Iznos ukupno potrebnih sredstava za devet mjeseci</b>
1.	I	20	100,00	2.000,00	18.000,00
2.	II	15	100,00	1.500,00	13.500,00
3.	III	10	100,00	1.000,00	9.000,00
4.	IV	20	100,00	2.000,00	18.000,00
5.	V	20	100,00	2.000,00	18.000,00
6.	VI	1	100,00	100,00	900,00
<b>UKUPNO</b>	<b>-</b>	<b>86</b>	<b>-</b>	<b>8.600,00</b>	<b>77.400,00</b>

### c.) UKUPNO

R/B	Korisnici	Broj stipendija koje se dodjeljuju	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	UČENICI	63	3.150,00	28.350,00
2.	STUDENTI	86	8.600,00	77.400,00
	<b>UKUPNO</b>	<b>149</b>	<b>11.750,00</b>	<b>105.750,00</b>

Planirana sredstva za stipendiranje izuzetno nadarenih učenika i studenata za školsku 2016/2017. godinu iznose: **105.750,00 KM.**

#### Član 2.

Ukoliko iz određenog razreda ili godine studija nema dovoljan broj kandidata koji ispunjavaju kriterije iz člana 1. i 2. Pravilnika o stipendiranju i nagrađivanju izuzetno nadarenih učenika i studenata, stipendija će se dodijeliti učeniku ili studentu koji ispunjava kriterije, pri čemu bi prednost imali učenici viših razreda ili studenti viših godina studija.

#### Član 3.

Gramatička terminologija korištenja muškog roda u ovom Planu podrazumijeva uključivanje oba roda.

#### Član 4.

Ovaj Plan stupa na snagu danom objavljivanja u "Službenim novinama Kantona Sarajevo".

Broj: \_\_\_\_\_  
Ilijaš, 08.09.2016.godine

PREDSJEDAVAJUĆI  
OPĆINSKOG VIJEĆA

\_\_\_\_\_  
Damir Filipović, s.r.

## **O b r a z l o ž e n j e:**

Shodno članu 3. Pravilnika o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj: 18/10, 10/13, 40/15 i 44/15), Općinsko vijeće Ilijaš, na prijedlog Općinskog načelnika, donosi Plan stipendiranja izuzetno nadarenih učenika i studenata za jednu školsku godinu.

Obzirom da su sva bitna pitanja regulisana Pravilnikom o stipendiranju i nagrađivanju izuzetno nadarenih učenika i studenata, izuzev broja učenika i studenata koji se stipendiraju, ovim Planom se daje prijedlog Općinskom vijeću da usvoji isti, kako bi se mogao raspisati konkurs za dodjelu stipendija izuzetno nadarenim učenicima u srednjem obrazovanju i studentima u visokoškolskom obrazovanju, nakon čega bi Općinski načelnik izvršio izbor kandidata, na osnovu kriterija utvrđenih Pravilnikom o stipendiranju i nagrađivanju izuzetno nadarenih učenika i studenata, o čemu će Vijeće biti blagovremeno informisano.

Broj učenika i studenata koji je dat u prijedlogu uzeo je u obzir trenutne mogućnosti općine Ilijaš u obezbjeđenju neophodnih sredstava za redovno isplaćivanju stipendija tokom jedne školske godine. Planirano je stipendiranje 63 izuzetno nadarena učenika i 86 izuzetno nadarenih studenata. Prijedlog raspodjele stipendija po godinama školovanja, utemeljen je na višegodišnjem iskustvu da je najveći broj aplikanata prvog razreda srednje škole, te prve i četvrte godine studija ispunjavao zahtijevane uslove.

**Nosilac stručne obrade:** Služba za društvene djelatnosti

**Predlagač:** Općinski Načelnik